



# *SESTRI MUSLIMANKI*

*ABDULLAH MUSLIM*



BESPLATNO

**SESTRI MUSLIMANKI**

Autor :  
**Abdullah Muslim**

Preveo :  
**prof. Ahmed ef. Adilović**

Recenzent :  
**Aljo ef. Cikotić**

Kompjuterska obrada :  
**UNICOM Travnik**

Izdavač :  
**ORGANIZACIJA ISLAMSKIH VAKUFA**  
**prvo izdanje**

**Tiraž : 3000 primjeraka**

**TRAVNIK, 2002 – 1423 h.**

*ABDULLAH MUSLIM*

*SESTRI MUSLIMANKI*





## **U ime Allaha, neka je hvala Allahu i salavat i selam na Njegova Poslanika**

**Posveta:** Posvećujemo ove riječi svakoj slobodnoj i ponositoj djevojci, koja ne dozvoljava da bude jeftina roba koja se prodaje i kupuje na današnjim pijacama bijelim robljem, niti slatka, mala lutka, na kojoj se na životinjski način izivljavaju podanici svojih strasti a potom je žurno odbacuju, kako bi se izivljavali na drugima...

Posvećujemo ih svakoj pametnoj i razboritoj ženi, koja teži trajnoj sreći i višim moralnim i duhovnim vrijednostima, daleko od zasljepljenosti lažnom civilizacijom i ispraznom vanjštinom Zapada...

Posvećujemo ih svakoj časnoj i poštenoj muslimanki, koja neprestano traga za svjetlom Istine i izvorom čistoće, usred ovih brojnih tmina, kao što je skretanje sa pravoga puta i nevjerstvo, i uprkos svim valovima koji nas zapljuskuju, kao što su bestidna i zabranjena djela – u koja nas naši neprijatelji zamalo ne uroniše, da nije bilo malobrojne skupine iskrenih pozivača Istini i vrijednih islamskih učenjaka, te onih koji su se borili na Allahovome putu, da bi pomogli potlačenim ljudima, ženama i djeci...

Svima njima posvećujemo ovo kratko djelo, moleći Allaha dž.š., da ga učini svjetlom i vatrom: svjetlom koje će voditi pravome putu, te vatrom koja

će spaliti mnogobrojne šejtanske sumnje i rušilačke ateističke ideje. Također molimo Uzvišenoga da se ovim djelom okoriste Njegovi robovi i na ovome i na onome svijetu, te da ono bude naše blago onoga dana kada stanemo pred Njega a On bude zadovoljan nama. Amin!

**Uvod:** Sve ono što nas je zadesilo unazad nekoliko godina: ubijanje, omaložavanje ljudskog dostojanstva, pljačkanje naših dobara, rušenje kuća i fabrika, i druge nevolje – desilo se kao posljedica onoga što smo sami radili, tj. kao posljedica našega zaborava Allaha i kršenja Njegovih zabrana. Uzvišeni kaže: “Kakva god vas nesreća zadesi, to je zbog grijeha koje ste zaradili, a On mnoge i oprostí.” (Eš-Šura, 30) On također kaže: “A onaj ko okrene glavu od Moje Knjige, taj će teškim životom živjeti i na Sudnjem danu ćemo ga slijepim oživjeti.” (Taha, 124)

Jedan od glavnih uzroka širenja velikih poroka u našem društvu, jeste to što su nevjernici i licemjeri uspjeli navesti muslimanke da izlaze iz svojih kuća izazovno odjevene i ubijediti ih raznoraznim spletkama i varkama da hidžab (islamska odjeća), koji im je Uzvišeni Allah stavio u obavezu, nije bitan, ili da nije obavezan, ili da ne odgovara duhu današnjeg vremena...”Kako krupna riječ izlazi iz usta njihovih! Oni samo neistinu govore!” (El-Kehf, 4)

## **Sestro muslimanko, zašto hidžab?**

1. Hidžab (islamska odjeća) nije stvar tvoga slobodnog izbora, pa da ga obučeš ili skineš kada ti hoćeš, nego je to stroga obaveza koju je Uzvišeni Allah naredio i propisao svim vjericama. Povodom te obaveze objavljeni su mnogi kur'anski ajeti, npr.: "O Vjerovjesniče, reci ženama svojim, i kćerima svojim, i ženama vjernika, neka spuste haljine svoje niza se. Tako će se najlakše prepoznati pa neće napastvovane biti. A Allah prašta i samilostan je." (El-Ahzab, 59) "A reci vjericama neka obore poglede svoje i neka vode brigu o stidnim mjestima svojim; i neka ne dozvole da se od ukrasa njihovih vidi išta osim onoga što je ionako spoljašnje, i neka vela svoja spuste na grudi svoje." (En-Nur, 31)

Stoga, ako vjeruješ u Allaha i Sudnji dan, nije ti dozvoljeno da se oglušiš o ovu kategoričku Božiju naredbu! Jer, Uzvišeni veli: "Kada Allah i Poslanik Njegov nešto odrede, onda ni vjernik ni vjernica nemaju pravo da po svome nahodjenju postupe! A ko Allaha i Njegova Poslanika ne poslušaju, taj je sigurno s pravoga puta skrenuo!" (El-Ahzab, 36)

2. Hidžab za tebe u stvari predstavlja oazu u čiji ćeš se hlad sklonuti, a nikako ne mračni zatvor,

kako to predstavljaju šejtani i ljudski i džinski, pa se dobro pripazi njihovih spletki i zavjera! Ti si skupocjeni i rijetki dragulj, a oni, uistinu, od tebe žele ukrasti tvoju čednost, stid i čistoću.

3. Hidžab nije—kao što to mnogi misle—jedan od zastarjelih običaja i bezvrijednih navika, koje smo preuzeli od naših neukih nena!! On je jedan od osnova našega islamskog sistema, kojeg je uspostavio najznaniji i najčasniji od svih Allahovih stvorenja, Njegov Poslanik, Muhammed, s.a.v.s., a naslijedili smo ga od najodabranije i najvrjednije generacije: generacije sahabijki – Allah bio zadovoljan njima – tj. od majki pravovjernih, od Poslanikovih s.a.v.s. kćerki, od muhadžirki, ensarijki. One su bile pravi primjer čednosti, čistote, ponosa, dostojanstvenosti, iskrenosti, povjerljivosti, strpljenja, plemenitosti, stida, činjenja mnogo ibadeta, požrtvovanosti na Allahovu putu, te ulaganju truda u izučavanju nauke i traganju za Istinom.

4. Hidžab nije obični pokrivač za glavu i prekrivač ljudskoga tijela, on je simbol cijeloga skupa visokomoralnih vrijednosti i skladnih i uzvišenih principa, koje je Uzvišeni Allah propisao:

- kako bi ti oni bili neprobojni štit koji će te čuvati od vukova u ljudskome liku,

- kako bi bili zaštitna ograda, koja štiti zajednicu od iskušenja tobom,



- te kako bi bili čisti okvir, kroz koji ćeš obavljati svoju misiju i izvršavati svoje životne zadatke.

5. Uzvišeni Allah propisao je hidžab da bi se ti, sa svojom specifičnom ličnošću, oslobodila utjecaja bilo koje nevjerničke i nemoralne osobe, te da bi tvoja pristojna i dostojanstvena vanjština bila u skladu sa tvojom neporočnom i čistom nutrinom. Dakle, mudrost i glavni razlog propisivanja hidžaba vjernicama jeste mir i čistota duše i muslimana i muslimanke, podjednako. Pojašnjavajući tu mudrost, Uzvišeni kaže: “A ako od njih (Poslanikovih žena) nešto tražite, tražite to iza zastora. To je čistije i za vaša i za njihova srca.” (El-Ahzab, 53)

**Sestro muslimanko!** Naša veličanstvena vjera jeste Allahova posljednja poslanica, koja je oslobodila čovječanstvo – i muškarce i žene – od raznoraznih neispravnih vjerovanja, te od svih oblika nasilja, tlačenja i iskorištavanja drugog. U sklopu toga, Islam je ženi dao maksimalnu počast – kao vrijednoj supruzi, brižnoj majci, plemenitoj sestri i voljenoj kćerki – i dao joj prava koja odgovaraju njenoj prirodi i ulozi u životu, te joj odredio određene propise, koji će zaštititi njeno poštenje i dostojanstvo i koji će je sačuvati da ne padne u nizine poroka i ružnih djela. Zato su sva pravila koja je Islam propisao ženi muslimanki – u pogledu odijevanja, ukrašavanja,

načina hoda, govora, i odnosa prema muškarcima – u stvari, milost, mudrost i interes, kako za nju, tako isto i za muškarca, za širu zajednicu, pa čak i za cijelo čovječanstvo. Naime, ta pravila ne dozvoljavaju da dođe do zla, nereda i smutnje, što je sve posljedica ženinoga isticanja svojih draži i ukrasa, njenoga izazovnog hoda i njenoga izlaska bez propisane odjeće i bez stida, čime namjerno izaziva porive i strasti kod muškaraca.

**Izazov i iskušenje nemoralne žene:** Zaista će nemoralna žena, koja se ponaša suprotno Allahovim propisima, uvijek biti najveće i najopasnije iskušenje u svim ljudskim zajednicama. Zato je Allahov Poslanik, s.a.v.s., maksimalno upozorio na to iskušenje, rekavši: **”Nakon mene, najopasnije iskušenje koje ostaje muškarcima jesu žene!** (Buhari i Muslim) On je, također, rekao: **”Zaista je ovaj svijet sladak i privlačan i zaista vas je Allah postavio za namjesnike na Zemlji, pa će posmatrati vaše postupke. Zato se čuvajte ovoga svijeta i čuvajte se žena! Prvo iskušenje sinova Israilovih bile su žene!”** (Muslim i Tirmizi) A ibn Mesud - Allah bio sa njim zadovoljan - prenosi da je Allahov Poslanik, s.a.v.s., rekao: **”Žena se treba pokrivati (awret), jer kada ona izađe napolje, šejtan je pažljivo posmatra. Uistinu, ona je najbliža Allahu dok je u prostorijama svoje kuće.”** (Tirmizi i Taberani) Islamski učenjaci kažu:

”Sve dok je žena u svojoj kući, šejtanne žudi za njom i ne nastoji zavoditi muškarce pomoću nje, a kad izađe napolje, onda je on želi i zainteresuje se za nju, jer je ona njegova najveća klopka i zamka.” Stoga, sestro muslimanko, tvojim prihvatanjem hidžaba štitiš i sebe i širu zajednicu od iskušenja i razvratnih djela, te kvariš planove naših neprijatelja.

### **Neke druge vrijednosti hidžaba:**

U njih spada:

#### **1. Hidžab je istinsko vjerovanje (iman).**

Kada god govori o hidžabu, Uzvišeni Allah se obraća vjericama - mu'minkama, svakim ajetom kojim im je propisao potpuno pridržavanje propisa o hidžabu a isto tako je činio i Poslanik, s.a.v.s. Kada su jedne prilike ušle neke žene kod Aiše - Allah bio zadovoljan njome - u prozirnoj odjeći, ona im je rekla: **”Ako ste prave vjernice, znajte da takva odjeća nije odjeća pravih vjernica, a ako to niste, onda uživajte u toj odjeći!”**

#### **2. Hidžab predstavlja pokornost Allahu i Njegovome Poslaniku, s.a.v.s.** Rezultat te pokornosti jeste sreća na ovome i postizanje vječnog uživanja na onome svijetu, a rezultat ustrajnosti u griješenju i kršenju Allahovih propisa jeste trajna nesreća, gubitak i patnja. Uzvišeni kaže: **”Onoga ko se pokorava Allahu i Poslaniku Njegovu - On će**

uvesti u džennetske bašče, kroz koje će rijeke teći, u kojima će vječno ostati, i to je uspjeh veliki. A onoga ko se bude protiv Allaha i Poslanika Njegova dizao i preko granica Njegovih propisa prelazio - On će u vatru baciti, u kojoj će vječno ostati; njega čeka sramna kazna.”(En-Nisa’13,14)

### **3. Hidžab predstavlja čednost i poštenje.**

Uzvišeni Allah je dao da hidžab bude simbol čednosti žene i njene udaljenosti od svega što je ružno i pokvareno, te od optužbi i sumnjičenja. U već navedenom ajetu iz sure El-Ahzab, Uzvišeni kaže: **“Tako će se najlakše prepoznati pa neće napastvovane biti.”** - tj. na taj način najlakše će se uočiti da su one čedne i poštene, pa im ni riječju ni djelom neće nauditi čak i nemoralni grijешnici.

**4. Hidžab je čast ženi i njen zastor, jer je ona** - kao što je već rečeno - awret, a awret se mora pokriti i ne smije se nikako otkrivati, a šta tek reći o posebnom trudu u njenom uljepšavanju? Nema nikakve sumnje da je to još strožije zabranjeno i da je to još veći grijeh.

**5. Hidžab je štit i zaštita od moralne propasti, životinjskog razgolićavanja i bestidnog iskorištavanja tijela žene od strane muškaraca.**

**6. Hidžab u potpunosti odgovara stidu** - toj lijepoj osobini, kojoj su žene po svojoj prirodi sklone i kojom se trebaju okтити vjernice, pogotovo zato što “je

stid od imana “, kao što je rekao Vjerovjesnik, s.a.v.s., u hadisu kojeg bilježi Hakim. On je, također, rekao: **”Svaka vjera ima svoj moral, a moral islama je stid.”** (Malik i ibn Madždže)

Eto, sestro muslimanko, to su neke prednosti hidžaba, kojeg ti je propisao Onaj ko te je stvorio – neka je uzvišen. A nema nikakve sumnje da je On mudriji i da bolje i od tebe i od svih nas zna ono što je za naše dobro i što nam odgovara, kao i ono što nas upropaštava i prlja. **“A kako i ne bi znao Onaj koji stvara, Onaj koji sve potanko zna, koji je o svemu obaviješten?”** (El-Mulk, 13) Zato je Uzvišeni zabranio izazovno oblačenje.

**Neke negativnosti i opasne posljedice izazovnoga oblačenja:**

**1. Ono je jedan od znakova licemjerstva (nifaka). Allahov Poslanik, s.a.v.s., je rekao: ”Najbolje od vaših žena su one koje su ljubazne, koje rađaju, koje su prijatne i saosjećajne – ukoliko se Allaha boje, a najgore vaše žene su one koje se izazovno oblače i koje su ohole – one su licemjerke.”** (Bejheki i Ebu Ne’im)

**2. Ono je grijeh prema Allahu, grijeh koji izaziva Allahovu srdžbu i prokletstvo. Poslanik, s.a.v.s., kaže: ”Na kraju moga ummeta bit će žena**

**otkrivenih glava i razgolićenih; glave će im izgledati poput devinih grba. Proklinjite ih, jer su one zaista proklete!” (Ahmed i Hakim)**

**3. Ono je jedno od svojstava stanovnika Vatre. Poslanik, s.a.v.s., je rekao: ”Dvije vrste stanovnika Džehennema nisam vidio: ljude sa bičevima poput kravljih repova kojima udaraju druge ljude i žene, obučene a otkrivene, koje zanose u hodu i druge tome pozivaju, koje su nepokorne Allahu, a glave su im poput krivih devinih grba – one neće ući u Džennet niti će osjetiti njegov miris, iako se njegov miris osjeća na velikoj udaljenosti!” (Muslim)**

**4. Ono predstavlja nemoral, porok i veliki grijeh. Jedne prilike sahabijka Umejma – Allah bio zadovoljan njome – došla je Poslaniku, s.a.v.s., da mu da prisegu (bej’at) na Islam, pa joj je on rekao: ”Prihvatam tvoju prisegu da ne činiš širk Allahu, da ne kradeš, da ne činiš blud, da ne ubijaš svoju djecu, da mužu ne podmećeš tuđe dijete, da ne naričeš i da se ne oblačiš izazovno, kao što se to radilo u pagansko doba.” (Ahmed i Nesai) Pa razmisli, Allah ti se smilovao, o tome kako je naš miljenik, s.a.v.s., izazovno oblačenje ubrojao među te velike grijeh, koji vode u propast!**

**5. Ono predstavlja dekadencu, nazadak i neznaboštvo. Poznato je da u ljudsku prirodu spada**

stid kada neko otkrije svoje sramotno mjesto – za razliku od životinja, koje nemaju razuma. Stoga svaki pokušaj isticanja i uljepšavanja onoga što treba biti pokriveno, vraća našu ljudskost unazad. To je oponašanje životinjske prirode – od koje nas je Allah sačuvao – i to je, u stvari, izvršavanje Iblisovih programa, kojima je cilj na kraju uništiti ljudsku vrstu pomoću velikog broja nevaljalih sredstava, među kojima je jedan od najopasnijih: navođenje ljudi na razgolićavanje i širenje bestidnih i zabranjenih stvari u što većem obimu. Upozoravajući nas na toga otvorenog neprijatelja koji zavodi ljude, Uzvišeni kaže: "O sinovi Ademovi, neka vas nikako ne zavede šejtan kao što je roditelje vaše iz Dženneta izveo, skinuvši s njih odjeću njihovu da bi im stidna mjesta njihova pokazao!" (El-A'raf, 27) Dakle, Iblis je naš najopasniji neprijatelj i on je najveći propagator otkrivanja, izazovnog oblačenja i nemorala. Zato Uzvišeni kaže: "Šejtan je, uistinu, vaš neprijatelj, pa ga takvim i smatrajte! On poziva pristaše svoje da budu stanovnici Vatre." (Fatir, 6)

**6. Izazovno oblačenje je ljudska katastrofa u punom značenju te riječi.** Jevreji su – kao pravi Iblisovi učenici i istaknuti predvodnici u spletkarenju i neredu od najranijih vremena – iskoristili to razorno oružje (trgovinu ženama i njihovo navođenje na razgolićavanje i izazovno oblačenje) za širenje

nemorala među narodima, sa ciljem rušenja njihove odbrane i lakšeg ovladavanja njima. Njihove vođe su rekle: "Naše neprijatelje moramo zabaviti raznoraznim zavodljivim vrstama zabave, igara, umjetnosti, bluda i droge, kako bismo ih odvratili od suprostavljanja nama ili ometanja naših planova." Oni su također rekli: "Potrudit ćemo se da ljudska društva postanu beskrupulozna, bez moralnih principa, bezosjećajna i koja će mrziti vjeru, tako da će im jedini cilj biti ostvarenje materijalnih užitaka. Tada oni neće moći pružiti ni najmanji otpor, pa će, poniženi, pasti pod naše noge."

Oni su u velikoj mjeri uspjeli proširiti izazovno oblačenje, golišavost i nemoral – pogotovu u današnje vrijeme – što je rezultiralo veoma opasnim posljedicama, među koje, između ostalog, spada:

a) Izopačeno ponašanje i nestajanje pravih vrijednosti. Tako npr., vrijednosti kao što su: čednost, stid, ljubomorno čuvanje časti i čuvanje poštenja, skoro da su u potpunosti iščezle u nekim evropskim zemljama! Štaviše, u tim zemljama čuvanje djevojčine nevinosti izaziva čuđenje i ismijavanje!

b) širenje raznih oblika anarhije, nemorala i spolne nastranosti, što je dovelo do omasovljenja mnogih opakih spolnih bolesti i pojave nekih novih bolesti, među kojima je možda najopasnija



zastrašujuća bolest zvana: sida. Upravo onako kako je to rekao Allahov Poslanik, s.a.v.s.: **”Nikada se u nekom narodu nije pojavio javni razvrat a da se među njima nije raširila kuga i bolesti koje se nisu pojavljivale u prethodnim generacijama.”** (Ibn Madže i Hakim) Tako u jednom izvještaju Svjetske zdravstvene organizacije **”WHO”** stoji da su bolesti koje se pojavljuju zbog bluda i spolne nastranosti **”zarazne bolesti koje se u svijetu najbrže šire, pa se zato svake godine povećava broj oboljelih od njih. One već sada predstavljaju veliku prijetnju općem zdravlju u cijelome svijetu.”**

Uprkos zadivljujućem napretku nauke i stalnom unaprjeđenju medicinskih sredstava, te bolesti se stalno množe. Tako medicinski stručnjaci kažu **”da su prije pola stoljeća bile samo tri vrste spolnih bolesti a da ih već danas ima dvadeset osam vrsta! Većina tih bolesti su prijetnja po život oboljelog i za njih nema uspješnog lijeka.”**

c) Odgađanje stupanja u brak ili odustajanje od ženidbe u potpunosti, od strane mnogih ljudi. Nema sumnje da brak predstavlja najljepši ljudski projekat, o kojem sanja svaka poštena žena, jer je to neodvojivi dio njene prirode. Oni koji odgađaju brak ili nikako ne stupaju u njega, rade to zato što žene vrlo lahko pristaju da udovolje njihovim hirovima. Nažalost,

žena danas vreba muškarca, nastojeći na bilo koji način da ga ulovi i dodvorava mu se da bi ga zadovoljila, a na taj način gubi svoje dostojanstvo i do krajnosti gazi svoj ponos i svoju čast.

d) Povećanje procenta silovanja i ubistava, jer se mladić u sredini gdje je sve dozvoljeno i gdje sve potiče strasti neće kolebati da upotrijebi oružje i silu i da nasrne... u slučaju kada mu se sviđa neka ženska osoba ali odbije da mu se da dobrovoljno. Štaviše, neki bludničari mogu osjetiti užitak samo u silovanju! Zato žena, pogotovu u nekim prijestolnicama i velikim gradovima na Zapadu, još uvijek ne osjeća sigurnost za sebe. U jednom zastrašujućem izvještaju američkog Ministarstva pravde stoji "da se u SAD-u svakih osam minuta siluje po jedna djevojka!" U Njemačkoj tri četvrtine žena osjećaju strah izvan svojih stanova. Pored toga, uzeo je maha i fenomen seksualnog nasrtaja na djecu i to često djecu koja su u bliskoj rodbinskoj vezi sa silovateljem!

e) Širenje fenomena raspada porodice i porast procenta razvoda brakova, što je neminovna posljedica povećanja procenta prevara među supružnicima. Tako u zapadnoj Evropi muževi u 75% procenata varaju svoje žene a one varaju muževe u procentu koji je samo malo manji od toga! To svakako igra ulogu u nedozvoljenom miješanju rodbinskih veza i velikom broju vanbračne djece, koja od svoga

najranijeg djetinjstva ostaju bez ljubavi i nježnosti, pa odrastaju u mržnji prema ljudima i potpunom društvu. Sve to, po prirodi stvari, olakšava bandama zločinaca da ih poslije privuku sebi.

**Riječ dvije u uho:** Zar nisi ljubomorna zbog onoga koga voliš? Zar se ne bojiš za svoga muža ili zaručnika, da će ti ga preuzeti druga, ljepša i privlačnija žena od tebe? Sigurno je da, koliko god žena bila lijepa, ipak ima puno onih koje su od nje ljepše i privlačnije. Dakle, širenje izazovnog oblačenja jeste prijetnja tvome duševnom miru i stabilnosti tvojih osjećaja, te stalna opasnost za budućnost tvoje porodice.

### **Sestro, kada ćeš se osvijestiti?**

Naši su neprijatelji shvatili da je kvarenje muslimanke izuzetno jako oružje, koje mogu upotrijebiti za rušenje Islama, pa su zato još u prošleme stoljeću isplanirali kako da skinu hidžab. Tako je bivši premijer Britanske vlade rekao: "Moramo oslabiti snage Islama tako što ćemo skinuti hidžab sa lica muslimanke a onda njime prekriti Kur'an (tj. da ne rade po njemu)!" A jevrejski lider Froj Berger u svojoj knjizi "Arapski svijet danas", kaže: "Žena je ta osoba u muslimanskom društvu koja može najviše uraditi na udaljavanju cijeloga njihova društva od vjere!"

Zato, sestro, probudi se iz svoga nemara, budi svjesna opasnosti koje okružuju i nas: i tebe i nemoj biti poluga rušenja pozitivnih islamskih vrijednosti i jedno od neprijateljskih sredstava za širenje nereda, pogotovu u ovim osjetljivim i teškim okolnostima koje su zadesile naše područje, jer su se svi ujedinili da bi nas oslabili i onda progutali! Gore od toga je što imamo petokolonaše, koji krajnje smireno, slobodno, opušteno, neprestano čine izdaju, a njihovi rukovodioci pozivaju sve muslimane i muslimanke da se odmetnu od vjere i da svojim rukama poruše temelje svoje snage i osnove svoga identiteta, pod raznim blještavim parolama, kao što su: sloboda, jednakost, tolerancija, multikultura... Zato budi krajnje oprezna prema svim smutljivcima, koji oblače janjeću kožu da bi prikrili svoju zločinačku narav, tj. da su oni, u stvari, divlji vukovi koji napadaju. Upozoravajući na njih i otkrivajući njihove tajne, Uzvišeni kaže: "Allah želi da vam oprost, a oni koji se za strastima svojim povode žele da daleko s pravoga puta skrenete." (En-Nisa, 27) Dakle, njihov glavni cilj, za koji danonoćno rade, jeste da nas pokvare i udalje od naše vjere!

**Šta od tebe hoće oni koji pozivaju neograničenim, navodnim slobodama?**

Uistinu, ti nesretnici, zajedno sa njihovim

gospodarima na Zapadu, od tebe žele, konkretno i precizno, slijedeće:

1. Da kršiš naređenja i zabrane svoga Stvoritelja, pa da tako budeš najopasnije sredstvo za širenje razvrata i glavni element uništavanja porodice, društva, pa i cijele zajednice muslimana (umme), kao što je rekao jedan od njihovih istaknutih vođa: "Čaša i pjevačica će srušiti muhamedansku zajednicu više nego hiljadu topova! Zato ih navedite da se maksimalno odaju strastima!"

2. Da budeš poluga rušenja čednosti, čistote i svih ostalih islamsko-moralnih vrijednosti – kako bi naši neprijatelji zavladao našim prostorima i pljačkal. naša dobra, jer je poznato da je lahko ovladati društvom koje je razjedinjeno i rascjepkano.

3. Da ti, koja si dragocijeni dragulj, budeš jeftina roba, pa da taj ološ i njihova gospoda trguju tvojim tijelom na današnjim pijacama robljem, te da im ti poslužiš kao ponižavajuća propaganda kojom privlače mušterije i da tvojim golim ili polugolim slikama uljepšavaju svoje raznorazne reklame.

4. Da budeš lahak plijen i sladak i ukusan zalogaj razjarenim vukovima koji izgara ju od želje da unište tvoju čednost i oskrnave tvoju čast.

5. Da budeš lijepa lutka s kojom će se oni nezasićenim strastima poigravati kako god oni hoće, u koje god vrijeme hoće i po cijeni koju god oni hoće! Pa kada te se zasite – što će se sigurno brzo desiti – sa poniženjem će te odbaciti, da bi se poigrali sa drugom lutkom! Pa kada zađeš u godine i uvehne tvoja ljepota – što će se sigurno desiti – bit ćeš ostavljena i zaboravljena, bez muža koji bi ti pravio društvo, bez djece koja bi te pazila i bez unučadi koja bi se s tobom igrala. Zato se čuvaj, sestro, takvog tragičnog završetka i toga mračnog tunela, u koji nije dospjela ni jedna djevojka ili žena a da nije zalutala i pohitala da izvrši samoubistvo, kao što je to prije izvjesnog broja godina uradila Dalida, francuska pjevačica koja je dostigla vrhunac navodne umjetničke slave. Prije nje samoubistvo je izvršila i Merlin Monro, najpoznatija, najljepša i najizazovnija glumica Holivuda! Prije nego je skončala svoj život, ona je napisala u svom oproštajnom pismu: "Ja sam najnesrećnija žena na Zemlji, jer nisam mogla biti mati! Častan porodičan život smatram vrijednijim od svega drugog, jer se ženina stvarna sreća krije upravo u tome čistom životu..." Na kraju pisma ona poručuje: "Angažman bilo koje žene u filmu čini je jeftinom i bezvrijednom robom, bez obzira na to koliko lažne slave i ugleda stekla! Savjetujem svim djevojkama da se ne bave glumom, kako ne bi skončale poput mene."

A u cijelome svijetu čuvena francuska pjevačica, Dalida, koja je dosegla vrhunac takozvane

“umjetničke slave” i koja je posjedovala milione dolara, prije nego što je izvršila samoubistvo, izjavila je: ”Žalim za stabilnim porodičnim životom, kojeg nisam oformila zato što nisam mnogo ni razmišljala o braku i rađanju djece! Potpuno sam se bila predala poslu i tako sam prevarena tim umjetničkim životom. Osjećam samoću koja ubija...”

To su samo dva od stotina gorkih primjera i iskustava kroz koje su prošle te poznate žene koje su imale sve ono o čemu ti sanjaš i u snu i na javi. Međutim, uprkos tome velikom bogatstvu, slavi i opčinjenosti miliona ljudi njima, one su sve više bile nesretne, kao rezultat zastranjivanja od prave ljuske prirode i udaljavanja od Božije staze. Zato, sestro, uzmi pouku iz toga, jer, kao što se kaže: ”Sretan je onaj ko uzme pouku od drugog.” Još jednom te upozoravam da ne padneš u to strašno šejtansko leglo i savjetujemo te da budeš bogobožna i da se pripremiš za susret sa Allahom, prije nego što te zadesi Njegova strašna kazna.

### **Šta mi hoćemo od tebe?**

Mi pozivamo Islamu, pozivamo istini, dobru, uputi i svjetlu. Mi od tebe ne tražimo nikakvu materijalnu korist, nego mi – iz samilosti i saosjećanja sa tobom, te iz želje da te spasimo od raznoraznih poniženja i patnji – iz dubina naših srca želimo:

1. Da budeš dobra vjernica, da istinski činiš ibadet svome Gospodaru, da izvršavaš Njegove naredbe i kloniš se Njegovih zabrana, da budeš čestita i poštena, da imaš uzoran život i lijepo ponašanje i da budeš što dalje od onoga što je sumnjivo i od bestidnih, nemoralnih i razvratnih mjesta.

2. Da robuješ svome Gospodaru istinskim robovanjem, da se pridržavaš Njegovih naređenja i kloniš Njegovih zabrana, da budeš neovisna ličnost, da imaš snažnu volju, da se oslobodiš od pritiska pokvarenog načina života, da se oslobodiš slijeđenja nevjernica, da se oslobodiš obmana i varki lažnog ugleda i sreće i da se pridržavaš principa svoje prirodne vjere, pogotovu hidžaba.

3. Da svojim roditeljima činiš dobro, da nastojiš izvršiti svoje obaveze prema njima i ispuniš njihove zahtjeve, da budeš odana svome mužu, da nastojiš pridobiti njegovu ljubav i da mu budeš pokorna, da učestvuješ u njegovoj radosti i tuzi, da činiš ono što će ga smiriti, razrahatiti i odmoriti, da se samo njemu uljepšavaš i da iznalaziš razne načine da bude zadovoljan sa tobom, kako ne bi obraćao pažnju ni na jednu drugu ženu i kako ne bi razmišljao o onome što je haram.

4. Da budeš dostojanstvena i časna, da budeš



obrazovana i da znaš sve ono što će ti koristiti za vjeru i život, pa čak i da druge podučavaš i da žrtvuješ sve što je potrebno na putu promicanja svoje vjere.

5. Da rađaš junake i uspješno odgajaš nove generacije, te da učestvuješ u izgradnji civilizacije na visokim moralnim i čvrstim materijalnim temeljima.

**Sestro!** Uzvišeni Allah te je počastio razumomi darovao ti je mogućnost izbora, pa izaberi:

- Ili ćeš se prikloniti taboru naših neprijatelja, koji ti putem onih koje rade za njih uljepšavaju nastranost i pokvarenost – kako bi te lakše ulovili. U tome slučaju gubitnik nećeš biti samo ti, nego i cijeli naš ummet i nećeš izgubiti samo ovaj svijet nego i Ahiret, što je tek pravi gubitak!

- Ili ćeš se sa punom sviješću prikloniti našem islamskom identitetu i ponositi se principima naše prirodne vjere i pridržavati se svih tih principa, čime ćeš obezbjediti sebi sretan i lijep život i spasiti samu sebe od nesreće na ovome svijetu i ponižavajuće kazne na Ahiretu, koja će vječno trajati!

**Sestro muslimanko!** Okreni se prema Uzvišenom Allahu, požuri sa pokajanjem i traženjem oprosta – ako ti je stalo do svoga vjerovanja i dostojanstva – i pohrli ka pokornosti Milostivom i

oblačenju hidžaba dok još ima vremena, jer šta znaš, smrt ti može doći još danas, pa da i ne dočekaš sutrašnji dan! Uzvišeni kaže: "Čovjek ne zna šta će sutra zaraditi i ne zna čovjek u kojoj će zemlji umrijeti." (Lukman, 34) On također kaže: "Reci: 'Smrt od koje bježite zaista će vas stići. Zatim ćete Onome koji poznaje i nevidljivi i vidljivi svijet vraćeni biti i On će vas o onom što ste radili obavijestiti.'" (El-Džumu'a, 8) Šta si pripremila za susret sa svojim Stvoriteljem – neka je slavljen? Kako ćeš se opravdati kada te On upita zašto nisi poštivala Njegove naredbe? Kako ćeš se spasiti od Njegove bolne kazne? Da li si u stanju trpjeti Džehennemsku kaznu?

**Kuda ideš?** Zastani makar pola sahata – molimo te – i upitaj samu sebe, otvoreno, iskreno i smjelo: "Ko sam ja, u stvari? Šta mi je uloga i šta mi je cilj u životu? Jesam li ja uistinu muslimanka? Ispunjavam li naređenja svoga Stvoritelja – neka je slavljen? Da li sam danas klanjala i da li svakoga dana klanjam pet namaza? Koliko se sjećam svoga Gospodara a koliko sam nemarna prema Njemu? Do kada ću mu biti neposlušna i do kada ću kršiti Njegova naređenja? Zašto oponašam nevjernice u pokretima, gestikulaciji, odjeći i načinu češljanja kose...? Jeli to put sreće ili put nesreće? Kuda idem, ako sam daleko od Allaha? Zašto uporno bježim od Njega, kada je On Gospodar i Vlasnik svega? "I svi će Mu na Sudnjem danu doći pojedinačno." (Merjem, 95) Zašto mu se

ne pokajem? Šta me sprječava da se odazovem Njegovim naredenjima, pa da klanjam i nosim hidžab? I konačno, kako ću se osloboditi pritisaka današnje stvarnosti, od pogleda ljudi i njihovih riječi?

### **Šta je to istinska sloboda?**

- To je sloboda od poriva i strasti ljudske duše, koja čovjeka navodi na zlo, koja u mnogim slučajevima čovjeka navede na robovanje svojim strastima. Uzvišeni i Slavljani kaže: "Kaži ti Meni, hoćeš li ti biti čuvar onome koji je strast svoju za boga svoga uzeo?" (El-Furkan, 43)

- To je sloboda od izopačenih i iskrivljenih navika i običaja u društvu, koji su daleko od pravca Uzvišenoga Allaha i koji koče svaki ljudski napor ka dobru i svjetlu.

- To je sloboda od pritisaka bogataša i moćnika, koji tlače muškarce i iskorištavaju žene na najgori način. Istinska sloboda se ogleda u skidanju omče lažnih božanstava, iskrenom odlučnošću i snagom volje, kako bi se svjesno i u potpunosti bilo u pokornosti Allahu, Gospodaru svih svjetova. To je, u stvari, dublje značenje riječi Islam, koja znači: pokoravanje i prihvatanje Allahova pravca u svim stvarima u životu. Kada ljudska predanost dođe do toga stepena, tj. do potpune pokornosti Allahu, onda se on oslobađa svakog drugog utjecaja, spašava se od

svih pritisaka i istinski doživljava da je zabluda svaka snaga u cijelome kosmosu, izuzev snaga Uzvišenog i Moćnog Gospodara! A ukoliko ne dođe do toga stepena, onda se čovjek nikada neće osloboditi – koliko god se hvatao za formu iskrivljene slobode, koliko god uzvikivao njene zvučne parole, i koliko god i danju i noću isticao: "Ja sam slobodan, što hoću radim, a što neću ne radim!" – nego će, naprotiv, i dalje biti vezan okovima, i dalje će živjeti u zabludi i grijehu, i dalje će biti zavarani svojim neznanjem, maštom i stranputicom!

### **A šta je to lažna i destruktivna sloboda?**

- To je razulareno ponašanje, zasnovano na nezasićenim životinjskim porivima, sa ciljem pronalaska užitka, bez obzira na to kako se dolazi do njega – bez ikakvih ograničenja i granica.

- To je makijavelističko odbacivanje bilo kakve kontrole – pa makar to bila i kontrola od strane vjere i razuma – da bi se došlo do cilja, na bilo koji način i po bilo koju cijenu.

- To je prilagođavanje šejtanskim došaptavanjima, koja uljepšavaju laž i pokušavaju je prikazati kao istinu, i koja zlo predstavljaju kao dobro, ono što ne valja kao ono što valja, i upuštanje u

zabranjene stvari kao hrabrost i čast.

Jedan od glasnogovornika "Pete kolone", koji pozivaju slobodi bez ikakvih ograničenja, otkriva nam jednu veoma opasnu dimenziju paklenoga plana udaljavanja žene muslimanke od njene vjere a onda pretvaranju te iste žene u jeftino sredstvo uživanja i razorno oružje u rukama neprijatelja Islama. Sasvim otvoreno i krajnje drsko, on kaže: "Hajde da govorimo o slobodi žene. Dozvolite mi odmah da priznam: Sloboda žene ima samo jedno značenje a to je seksualni užitak! Prema mome viđenju stvari, ona je mjesto zadovoljenja strasti i želja i ona je stvorena za ljubav, tako da ona nema nikakve druge vrijednosti osim seksualnoga užitka!" Zatim on kaže: "Ja se zalažem za istinsku slobodu žene a to je sloboda njenih seksualnih odnosa sa muškarcima, odnosno sa drugim ženama, pa čak i sa jednim i sa drugima istovremeno, prije i poslije braka!" Da, to je ta sloboda, sestro muslimanko, koju ti oni žele, tako da se mnoge velike organizacije služe najsavremenijim sredstvima da bi te srozale na njihov najniži stepen, gdje na tebe ne bi gledali kao na ljudsko biće, nego samo kao spolni organ! Neka je Allahovo prokletstvo na silnike! Nema potrebe dokazivati da je ta nesretna, anarhična zapadna sloboda, dovela do raznoraznih problema, skandala, niskosti, zločina, bolesti, rušenja i uništavanja.

## Suze i duboki uzdasi

Tako mi Allaha, oči samo što ne počnu pored suza liti i krv a srce zamalo da se osuši i raskomada od tuge i žalosti nad stanjem djevojaka muslimanki, čiju čast kaljaju nevjernici i pokvarenjaci, na čiji obraz udaraju psi i vukovi, a one se u potpunosti predaju tome kaljanju i štaviše, uživaju u tome!!! Tako mi Allaha, pored kojeg drugog Boga nema, iskrenom muslimanu i ljubomornom vjerniku bolje je da se zemlja rascijepi i da ga proguta, nego da gleda muslimanke u najgorem stanju: izazovno i napadno obučene, zavijaju u hodu, ukrašavaju se svim i svačim, mirišu se raznoraznim mirisima, otkrivaju svoje ruke, bedra i grudi, kao da se takmiče sa nevjernicama u pokazivanju svojih čari i sa prostitutkama u isticanju svojih draži!!! Druže se sa svakakvim pokvarenjacima, ne odbijaju ruku nikoga ko hoće da ih dotakne i nije ih stid da izlaze u društvu sa mangupima u bilo koje doba dana, pa se onda vraćaju u kasne noćne sahate! Gdje je tu muškost? Gdje je dostojanstvo? Gdje je čast? Gdje je poštenje? Gdje je ljubomorno čuvanje? Gdje je islamski ponos? Gdje su odgajatelji? Gdje je ulema? Gdje su očevi? Gdje su majke???

O, žalosti za čistotom vjernica i čednošću muslimanki... O, žalosti za gubljenjem vjere, časti i morala u ovome prljavom vremenu... Neka se Allah smiluje Mu'tesimu, abasijskome halifi, koji je poslao

ogromnu vojsku da spasi jednu jedinu muslimanku, kada su je nevjernici zarobili, pa je ona zavapila: "O Mu'tesime! O Islamu!"

### **Ko je kriv za to pogoršanje stanja?**

Tako mi Allaha, bojim se da će nas sve Allah kazniti Svojom žestokom kaznom, ukoliko svi ne poskočimo da spasimo naše sestre, naše kćerke i naše rodice iz zarobljeništva razvrata, da zaustavimo njihovo krvarenje, da izliječimo njihove duboke rane, da ih odvratimo od lahkomislenosti i nepromišljenosti, i da ne dozvolimo divljim zvijerima u ljudskim likovima da im se približe, a pogotovu da kaljaju njihovu čast!

Uzvišeni kaže: "Zaustavite ih, oni će biti pitani!" (Es-Saffat, 24) On također kaže: "O vi koji vjerujete, sebe i porodice svoje čuvajte od vatre čije će gorivo ljudi i kamenje biti, i o kojoj će se meleki strogi i snažni brinuti, koji se onome što im Allah naredi neće opirati, i koji će ono što im se naredi izvršiti." (Et-Tahrim, 6) A Vjerovjesnik, s.a.v.s., je rekao: "Tako mi Onoga u čijoj je ruci moja duša, ili će te naređivati dobro i odvrćati od zla, ili će vam Allah poslati Svoju kaznu, pa ćete Ga dozivati, ali vam se On neće odazivati!" (Tirmizi) On je također rekao: "Kada ljudi primijete silnika pa ga ne spriječe, ubrzo ih sve Allah obuhvati

**Svojom kaznom.”** (Ebu Davud i Nesai) On je rekao i sljedeće: **”Svi ste vi pastiri i svi ćete biti pitani za svoja stada.”** (Buhari i Muslim) Dakle, svako će na Kijametskom danu polagati račun, shodno svome znanju, odgovornosti u porodici, društvenome i vjerskom položaju i mogućnosti da spriječi ta loša djela.

A što se tiče tebe, koja si zavedena svojom ljepotom i mladošću, znaj da ćeš, sama za sebe, polagati teški račun zbog svoga izazovnog oblačenja i kršenja naredbi tvoga Uzvišenog Stvoritelja. Allah, dž.š., kaže: **”Svaki čovjek će biti zalog onoga što je radio, osim sretnika, oni će se u džennetskim baščama raspitivati o nevjernicima: ‘Šta vas je u Sekar dovelo?’ ‘Nismo – reći će – bili od onih koji su namaz obavljali i od onih koji su siromahe hranili, i u besposlice smo se sa besposlenjacima upuštali i Sudnji dan smo poricali...”** (El-Muddessir, 38-46) Čime ćeš se opravdati pred Uzvišenim, kada te upita za tvoje neizvršavanje Njegovih naređenja (kao npr.: namaz, zekat, hidžab...) i za činjenje grijeha prema Njemu?

**O ti, koja si zavedena svojom ljepotom i mladošću!**

Budi ubijedena da će, dok počneš stariti, nestajati tvoja ljepota, da će i ono što ostane od nje



zemlja i crvi pojesti kada umreš, te da ćeš sigurno biti ispitivana u kaburu i da ćeš biti kažnjena, shodno veličini svojih grijeha. O ti, koja se izazovno oblačiš i koja si nemarna! Šta će biti sa tobom kada se puhne u rog, pa kada umre sve što je na nebesima i na Zemlji – osim onoga kome se Allah smiluje – te kada zatim budu proživljeni mrtvac i iz kaburova i kada budu sakupljeni na mjesto suđenja, kao od majke rođeni (bez odjeće)? Kada je to čula naša mati, Aiša, r.a., ona se zastidila i iznenadila, pa je rekla Vjerovjesniku, s.a.v.s.: **”Allahov Poslaniče, ako budu muškarci i žene zajedno, gledat će jedni druge!”** A on joj je odgovorio: **”O Aiša, stanje će biti daleko teže od toga da oni tada gledaju jedni druge!”** (Muslim i Nesai) Zaista, nema nikakve sumnje da će tako teško stanje biti. Uzvišeni kaže: **”O ljudi, Gospodara svoga se bojte! Zaista će potres, kada smak svijeta nastupi, veliki događaj biti! Na dan kada ga doživite svaka dojilja će ono što doji zaboraviti, a svaka trudnica će svoj plod pobaciti, i ti ćeš vidjeti ljude pijane, a oni neće pijani biti, već će tako izgledati zato što će Allahova kazna strašna biti.”** (El-Hadždž, 1,2)

Zaista, nema nikakve sumnje da će tako teško i opasno stanje biti. Uzvišeni kaže: **”A kada dođe glas zaglušujući – na dan kada će čovjek od brata svoga pobjeći i od majke svoje i od oca svoga i od druge svoje i od sinova svojih, – toga dana će se**

svaki čovjek samo o sebi brinuti – neka lica tog Dana bit će blistava, nasmijana, radosna, a na nekim licima toga Dana bit će prašina, tama će ih prekrivati, to će nevjernici – razvratnici biti.” (Abese, 33-42) Zaista, nema nikakve sumnje da će tako teško, opasno, strašno i užasno stanje biti. Uzvišeni kaže: ”Nevjernik bi jedva dočekaao da se od patnje toga Dana iskupi sinovima svojim, i ženom svojom, i bratom svojim, i porodicom svojom koja ga štiti, i svima ostalima na Zemlji, - samo da se izbavi. Nikada! Ona će buktinja sama biti, koja će udove čupati, zvat će onoga ko je glavu okretao i izbjegavao i zgrtao i skrivao.” (El-Me’aridž, 11-18)

Pa čime ćeš se iskupiti ukoliko se ne pokaješ Uzvišenome Allahu? Svo bogatstvo svijeta nije dovoljno da se iskupiš za jedan jedini dan strašne džehennemske kazne, pa čak ni za jedan jedini sahat! Utječemo se Allahu od džehennemske kazne! Isto tako, nimalo te od Allaha neće spasiti sva ta prijateljstva, poznanstva i intimne veze! Naprotiv, tvoji prijatelji će se pretvoriti u tvoje neprijatelje a odreći će te se sve šejtanice (i od ljudske i od džinske vrste), koje si se maksimalno trudila slijediti i oponašati u svakom koraku koje su ti one zacrtale! Uzvišeni kaže: ”Kad će se glavešine, za kojima su se drugi povodili, svojih sljedbenika odreći i kad će veze koje su ih vezivale prekinute biti, i oni patnju

doživjeti. Kada će sljedbenici njihovi uzviknuti: 'Da nam je samo da se vratimo, pa da se i mi njih odrekemo kao što su se oni nas odrekli!' Eto, tako će Allah njima djela njihova po njih kobnim pokazati i oni iz vatre neće izlaziti." (El-Bekare, 166,167) Hoćeš li da te uputim nečemu što je veoma lahko a što će te u potpunosti spasiti od te bolne kazne? To je da sve do sada počinjene grijehe poništiš iskrenim pokajanjem, jer "onaj ko se pokaje za učinjeni grijeh isti je kao i onaj ko ga nije ni počinio!" - kao što to kaže Vjerovjesnik, s.a.v.s., – te da od ovoga momenta prihvatiš čisti život i potpunu pokornost Uzvišenome Allahu.

Cijenjena sestro! Ovo ti je opomena prije nego bude kasno, prije nego duša do grkljana dođe, prije nego što ti se zatvore vrata pokajanja pa se žestoko pokaješ, ali tada kajanje neće ništa koristiti. Uzvišeni kaže: "Zar nije vrijeme da se vjernicima srca smekšaju kad se Allah i Istina koja se objavljuje spomene, i da oni ne budu kao oni kojima je još davno data Knjiga, pa su srca njihova, zato što je proteklo mnogo vremena, postala nemilosrdna, i mnogi su od njih nevjernici." (El-Hadid, 16)

**Sestro muslimanko**, podsjećamo te na riječi Uzvišenoga Allaha: "Kad se vjernici Allahu i Poslaniku Njegovu pozovu, da im on presudi, samo reknu: 'Slušamo i pokoravamo se!' – Oni će

uspjeti. Oni koji se Allahu i Poslaniku Njegovu budu pokoravali, koji se Allaha budu bojali i koji od Njega budu strahovali – oni će postići ono što budu željeli.” (En-Nur, 51,52) Zato budi primjer iskrene vjernice, koja žuri da izvrši naređenja svoga Gospodara, ne slušaj prigovore ljudi i ne obraćaj pažnju na njihovo ismijavanje i izrugivanje. Čuvaj se riječi: ”Poslije ću se pokajati, poslije ću klanjati, poslije ću obući hidžab...”, jer je to sve od šejtana. Znaj da, ako bilo kojeg vjernika uznemiravaš svojim izazovnim oblačenjem ili ga navedeš na neki grijeh, zaradit ćeš grijeha koliko samo Allah zna! Uzvišeni kaže: ”One koji vole da se o vjernicima šire bestidne glasine čeka teška kazna i na ovom i na onom svijetu!” (En-Nur, 19) A Poslanik, s.a.v.s., je rekao: ”**Koja se god žena namiriše i onda prođe pored ljudi da bi osjetili njen miris, ona je bludnica, a isto tako, svako oko koje je pogleda, čini blud.**” (Nesai i ibn Huzejme) Allaha nam, bojimo se da nećeš i ti biti jedna od onih koje vole da se šire bestidne radnje, pa da će te zadesiti ta bolna kazna! A ukoliko se odlučiš usprotiviti svojim strastima i ne obraćati pažnju na ono što ljudi pričaju, skrećemo ti pažnju na jednu vrlo bitnu stvar:

### Uvjeti za valjanost hidžaba

Da bi hidžab bio u skladu sa šerijatom, on mora zadovoljiti slijedeće uvjete, koji su izvedeni iz

## Kur'ana i Sunneta:

1. Da prekriva i obuhvata tvoje tijelo, te da bude prostran i komotan a ne tijesan, pa da ocrtava, ističe ili odslikava dijelove tijela.

2. Da bude neproziran i gusto satkan a ne tanak i providan.

3. Da ne bude namirisan i ukrašen.

4. Da ne liči muškoj, kao ni odjeći onih koje ne vjeruju.

5. Da se njime ne želi isticanje među svijetom.

### **I na kraju**

Cijenjena sestro, potrudi se da budeš prava muslimanka, pomoću slijedećeg:

Budi iskrena u ibadetu Uzvišenome Allahu, onako kako je to objasnio Poslanik, s.a.v.s. Izvršavaj obaveze koje ti je propisao Uzvišeni Allah a naročito pažnju posveti obavljanju propisanih namaza u njihovome određenom vremenu. Požuri sa traženjem oprosta i iskrenim pokajanjem, kada god učiniš neki prijestup. Budi pokorna svome mužu – ako si udata – u svemu što muž traži od tebe, izuzev u onome što je grijeh prema Allahu. Čini dobročinstvo svojim roditeljima, ako su još u životu. Potrudi se da odgojiš svoju djecu na najljepši način, umjesto da provodiš vrijeme u traču, ogovaranju i drugim postupcima, koji će ti nanijeti štetu i na ovome svijetu i na Ahiretu.

Mnogo čini zikr, čini dove, uči Kur'an i trudi se da naučiš ono što će ti koristiti i za vjeru i za život, pa ćeš tako biti sretna na ovome svijetu i uspjeh ćeš na Ahiretu.

Molimo Allaha da od svih nas primi pokajanje, da pokrije naše sramote, oprostí naše grijehé i očisti naša srca, te da nas uputi onome što On voli i sa čime je On zadovoljan. Gospodaru naš, ne dozvoli da nam srca skrenu, nakon što si nas Ti uputio i ukaži nam Svoju posebnu milost, jer Ti si onaj koji obilno daje. Gospodaru naš, daj nam i na ovome svijetu dobro i na Ahiretu dobro i sačuvaj nas džehennemske vatre. I, naša posljednja dova, jeste: Neka je hvala Allahu, Gospodaru svih svjetova.

## Literatura

SAHIHUL-DŽAMI'IS-SAGIR od Hafiza  
Sujutija a obrada od šejha Albanija.

AWDETUL-HIDŽAB, šejh Muhammed ibn  
Ismail.

HIRASETUL-FADILE, šejh Bekr Ebu Zejd.

EL-MER'ETU BEJNEL-FIQHI WEL-QANUN,  
Mustafa Es-Siba'i.

EL-MEWSU'ATUL-MUJESSERE, Izdanje  
"Nedwe".

EL-ISLAMU WE QADAJA EL-MER'ETIL-  
MU'ASIRE, dr. Behijj el-Huli.

EL-EMRADUL-DZINSIJJE, dr. Muhammed  
Ali el-Bar.

## S A D R Ž A J

Posveta.....	3
Uvod.....	4
Sestro muslimanko, zašto hidžab?.....	5
Hidžab je stroga obaveza koju je Allah propisao vjernicama	
Hidžab je oaza u čijem se hladu uživa a nije zatvor	
Hidžab nije zastarjeli običaj, nego jedan od temelja vjere	
Hidžab je tvoja najbolja zaštita od vukova u ljudskome liku	
Hidžabom ostvaruješ pravu slobodu i kvalitet	
Islam odaje počast ženi.....	7
Izazov i iskušenje nemoralne žene.....	8
Neke druge vrijednosti hidžaba:.....	9
Hidžab je istinsko vjerovanje (iman)	



Hidžab predstavlja pokornost Allahu i Njegovome Poslaniku  
 Hidžab predstavlja čednost i poštenje  
 Hidžab je čast ženi i njen zastor  
 Hidžab je štit i zaštita od moralne propasti  
 Hidžab u potpunosti odgovara stidu

Neke negativnosti i opasne posljedice izazovnoga oblačenja:.....11

- Ono je jedan od znakova licemjerstva (nifaka)
- Ono je grijeh prema Allahu
- Ono je jedno od svojstava stanovnika vatre
- Ono predstavlja nemoral, porok i veliki grijeh
- Ono predstavlja dekadencu, nazadak i neznaboštvo
- Ono je ljudska katastrofa u punom značenju te riječi

Neke posljedice širenja izazovnog oblačenja:.....14

- a) Izopačeno ponašanje
- b) Širenje raznih oblika anarhije, nemorala i spolne nastranosti
- c) Odgađanje stupanja u brak ili odustajanje od ženidbe u potpunosti
- d) Povećanje procenta silovanja
- e) Širenje fenomena raspada porodice

Riječ dvije u uho..... 17

Sestro, kada ćeš se osvijestiti?.....17

Šta od tebe hoće oni koji pozivaju neograničenim slobodama..... 18

Šta od tebe hoće oni koji pozivaju Istini i moralnim

vrijednostima?.....	21
Sama izaberi.....	23
Sestro muslimanko! Okreni se prema Allahu i požuri sa pokajanjem.....	23
Kuda ideš?.....	24
Šta je to istinska sloboda?.....	25
A šta je to lažna i destruktivna sloboda?.....	26
Suze i duboki uzdasi.....	28
Ko je kriv za to pogoršanje stanja?.....	29
O zavedena svojom ljepotom i mladošću, ovo ti je opomena dok još nije kasno.....	30
Uvjeti za valjanost hidžaba.....	34
Kraj.....	35
Literatura.....	37
Sadržaj.....	38

